

# Хөөнд көг тавлгънд таслвр гарчана

Элст балгъсна колхозмудин гардачнр ода бийнь хөөнд искусствени көг тавлгънә торт йоста оньган өгәд уга. Эн колхозмудин ахлачнр, искусствени көгин тускар дала әдл үг келхәс даву юм кегәд уга. Үннднь авад хәләхлә ним бәәдлтә.

Зурагъар балгъсна колхозмудар 48 отар хөөнд искусствени көг тавлгдх зөвтә. Колхозмудин правлед болхла 13 отар хө искусствени көгд орулхар темдгләд, эн туст хәләгддж батлгдсн зура эвд-джәнә. Ода искусствени көгд орджахнь зугл тавхи отар нәәднр хөн.

Хөөчнр Безруковин болн Кулешовин отармуд искусствени көг тавлгънд му биш белдвр тетгцхәдж. Эднә хуцмудин болн нәәднр хөөдин чинәнъ сән, тегәд эн хөөчнр искусствени көг тавлгънә көдлмшән сәәнәр кегәд, төгсгчксн бәәнә.

Ленинә нертә колхозд (ахлачнь үр Гончаров) хургъд экәсн салгългън нам ода күртл күңцдән кегдәд уга. Учр ююндв гихлә, отармудар көдлх күн уга болдж гарна. Ик эртәр ирцхәсн хальмг өрк-бүлмүд колхозд бәәрлхәр седхлә, үр Гончаров колхозд күн кергтә биш гидж келәд, колхозд орулдж авлго бәәсн болдг. Ода үүрмүд Гончаров болн Кривоносов эврәннь аргъ уга гардвран, му көдлмшән көдлмшч улс татгар цәәлгъхәр седцхәнә.

Балгъсна колхозмудар хөөдт искусствени көг тавлгънә көдлмшиг тодрха гардврар тетгдж түргдүлх кергтә, хамгин түрүн болдж КПСС-н балгъсна комитетин болн балгъсна Советин сән оньг кергтә.

Б. БОЛДЫРЕВ.